





Relaciona cu Dia Mundial di Awa:

Fundacion Rancho a inaugura nan "Hanchi di Awa"



no tin pakico sosode, pero e educacion tocante nos herencia, ta importante den e parti di educacion, y esaki Fundacion Rancho ta hacie conhuntamente cu otro partnernan cu ta: 1. Fondo di Monumento, cu ta doño di e tanki y cu sigur ta haya necesario pa pone man riba dje pa restaure. 2-Oficina di Monumento cu tambe a pone proteccion riba e tanki, cu ta reconoci aworaki como un monumento proteha.

E evento cu a tuma lugar ta parti di loke e fundacion ta haciendo pa informa y educa comunidad. El a comenta cu e aña aki ta celebra diez aña cu Museo Arkeologico a muda pa Rancho, cu ta e prome lugar unda informacion tocante e obhetonan aki tabata. Pesey mester prepara e caminda pa turistanan, localnan, studiantenan por yega, pa nos comunidad por disfruta di un monumento industrial hopi importante pa e desaroyo di Aruba. E Hanchi di Awa, ta warda hopi storia di cosnan cu a sosode den e area aki manera wega di bala, anecdota, tocamento di musica, y hasta tin un pintura cu Ciro Abath a pinta na 1972.

ORANJESTAD (AAN) — Dia 22 di Maart, tabata Dia Mundial riba concientizacion di uso di awa, y na Aruba e dia aki a wordo observa cu hopi interes.

Sr. Clifford Rosa, Presidente di Fundacion Rancho, den entrevista cu nos redaccion, a indica con importante e dia aki ta pa e habitantenan di e lugar

Esaki pa motibo cu den Rancho nan tin un monumento cu tin di haber cu tanki di awa, pero e historia di produccion di awa potable na Aruba tambe tin su balor.

Riba e dia aki nan a inaugura e "Hanchi di Awa" relaciona cu e tanki aki, cu co-

laboracion di hopi instancia y cu sponsor di WEB Aruba NV, y nan kier traha hunto pa concientiza Aruba riba e importancia di awa.

Clifford Rosa a comenta cu e proyecto di adopta un hanchi no tin un final. El a bisa cu mester tuma tempo pa embecece bo area y pa Fundacion Rancho e hanchinan ta hopi importante. E mantencion di e hanchi, y tene limpi, ta den man di e habitantenan di e bario y esnan cu ta frecuente esaki. Kiemen e ta un trabao den conhunto. Sr. Rosa a menciona cu tur monumento na Aruba ta core riesgo di wordo afecta pa vandalismo, y cosnan cu